

որերոյ, եւ երբեմն մեծապէս յաղթել, եւ երբեմն զարհուրեցուցանել եւ աշխատել: 19 Յաղագս որոյ զմտաւ ածեալ¹ իմ գթոյ աշխատի արարուած եւ զմտաւորութիւն՝ կարի քաջ ճանաչեմ զամենայն պատասխանիս, զոր առնելոց ես դու մեզ ամենայն բանի, զոր լսես ի մէնջ: 20 Վասն զի թէ զապստամբութենէդ քումմէ հարցանեմք, թէ զհա՞րոյ իշխեցեր խորհել, թող թէ եւ առնել²՝ պատասխանի տուեալ ասես, թէ չճանաչողութիւնն Պերոզի եւ ի յետսահարութիւն³ բռնադատեաց զիս մեռանել. որ զծառայութիւնն եւ զվաստակ որպէս զաստուած ինդրեր, եւ զվաստակոյն զհատուցումն առնել՝ եւ ոչ իբրեւ զմի յանմիտ մարդկանէ խորհեր հատուցանել: 21 Չի քաջի առն քան զբազում ժամս հարանաւք կեցեալ՝ շատ լաւ է մի աւր ծանուցանել զլաւութիւն անծին եւ մեռանել: 22 Եւ ոչ ոք յԱրեաց կարէ քեզ մեղադիր լինել՝ խորհել քեզ աշխատեալ խորհուրդ եւ առնել, ո՛չ որ այժմ Արեաց տերն է, եւ ոչ աւագանի դրանն, որ զամ մի ի միջի են, եւ դու գիտես: 23 Վասն զի Պերոզ արքայից արքայ իբրեւ իւրում անծինն եւ որդւոց չմարթաց հոգ տանել՝ բարի ծառայի առ Նա լաւ ինչ զհա՞րոյ կարեր խորհել եւ առնել: 24 Չի զայդ գործ, զոր դու գործեցեր՝ բայց զի չկարեր ոք⁴ եւ զի չիշխեր գործել յայնժամ. այլ ամենայն ծառայ այր, տեսանելով զնորա ստամբակութեանն զանչափութիւն՝ զամենայն աւր առնել խորհեր, եւ չկարացեալ մեռանել՝ կասեր⁵:

25 «Բայց քո եւ արանց որ ընդ քեզ եղեն միաբան, առ ոչինչ համարեալ զմահ անծին՝ դիմեցին յիրսդ քաջաբար. եւ որ մեռան ի ձեռն՝ ի Պերոզի յամբարտաւանութենէն⁶ ինդրեն աստուածք զարիւնն զայն, եւ որք ապրելոյ կարացայք⁷ եւ ի միջի լինել՝ անպարտ էք եւ անվնաս էք: 26 Վասն զի որ այժմ Արեաց տերն է եւ ամենայն աւագանին՝ զայդ եւեթ խաւսին հանապազ, եւ անմխիթար ողբան եւ տրտմին, յիշելով զՊերոզի զանհաւան⁸ եւ զանբարհաւաճ⁹ զբարսն, զոր ոչ ունէր Նման մարդոյ, այլ Նման չար եւ վայրենի գազանի: 27 Որ կորոյս զինքն եւ զամենայն Արեաց աշխարհի զոյժ եւ զզաւրութիւն, եւ զթագաւորութիւն մի մեծ եւ զազատ ի ծառայութիւն ետ Յեփթաղին. յորմէ ի դառն ծառայութենէ, մինչ կենդանի է Արեաց աշխարհն՝ զերծանել ոչ կարէ: 28 Բայց դու թէ հաւանեալ Նուաճիս, եւ բնիկ քո Նախնեացն տեսն ծառայութիւն առնես, եւ որ ինչ վատթարն եղել ի մէնջ եւ ի

1 Ձ. ածել

2 ՏՏ. թող թէ առնել

3 ՁԱտ. ի յետս ահաւորութիւն. այսպէս ըստ ուղղագրութեան ԲԳտ.

4 ՁԱտ. բայց զինչ կարեր ոք. այսպէս ըստ ուղղագրութեան ԲԳտ.

5 ՁՏՏ. չկարացեալ՝ մեռանէր կասեր

6 ՏՏ. ամբարտաւանութ.

7 Ձ. կարացայք

8 Ատ. անհաւան

9 ՏՏ. զանբարհաւաճ